

堯山堂外紀

堯山堂外紀卷六十二

晉陵蔣仲舒編

宋

韓侂胄

字昂夫琦七世孫也封平原郡王顏
棧草制言其得聖之清易祇撰答詔
以元聖褒之四方投書獻頌者謂伊霍
旦爽不足以擬其勲有稱為我王者

韓平原在慶元初其弟仰胄為知閤門事頗與密
議時人謂之大小韓求捷徑者爭趨之一日內
燕優人有為衣冠到選者自叙履歷材藝應得

美官而留滯銓曹徘徊浩歎又為日者樊帽持
扇過其旁邀使談庚申間得祿之期日者厲聲
曰君命甚高但於五星局中財帛宮若有所礙
目下若欲亨達先見小寒更望成事必見大寒
可也優蓋以寒為韓侍燕者皆縮頸匿笑時有
宗室就試南宮者題詩客邸云寒衝衝風怯曉
寒也隨舉子到長安路人莫作親王看姓趙如
今不似韓

韓侂冑既逐趙汝愚至衡州暴卒或謂中毒云大
學生教陶孫賦詩于三元樓壁云左手旋乾右
轉坤如何群小恣流言。狼胡無地居姬旦。魚腹
終天吊屈原。一死固知公所欠。孤忠幸有史長
存。九泉若遇韓忠獻。休說如今有末孫。陶孫方
縱筆飲未一二行。壁已昇去。陶孫知必為韓所
廉頃之捕者至矣。急更衣持酒具下樓與捕者
交臂問教上舍在否。對曰方酣飲。亟亡命走閩。

侂胄敗乃登第一

陶孫字器之號臙庵懷才拔氣嘗有詩云蟠胸三萬卷落

筆五

千言

嘉太四年火及太廟而韓侂胄府獨全蓋殿帥馮
時力為撲護耳洪舜俞詩云殿前將軍猛如虎
救得汾陽令公府祖宗神靈飛上天可憐九廟
成焦土

韓侂胄嘗以冬月携家遊西湖遍覽南北兩山之
勝末乃置宴南園族子判院與焉有獻牽絲傀儡

偶為土偶負小兒者名為迎春黃胖韓顧族子
詠之即賦一絕云脚踏虛空手弄春一人頭上
要安身忽然綫斷兒童手骨肉都為陌上塵
佗曹怫然不終宴而歸未幾禍作判院者趙不敏弟也不敏與錢
唐名娼娼於業甚冷父之不敏日益貧娼奴周給
之使駕于業遂捷南省得官授襄陽府司戶赴
官三載想念成疾而卒有祿俸餘貲屬判院均
分之一以膳判院一以送娼奴且言娼奴有妹
小娟俊雅能詩可謀致之佳耦也判院至錢塘
則娼奴一月前死矣小娟亦以於潛官絹誣攀
繫獄俸從獄中召出詰之曰汝誘商人官解百
疋何以償之小娟叩頭言此亡姊娼奴事乞賜

周旋倅喜其辭宛順以趙司戶所寄付之小娟
折書惟一詩云當時名妓鎮東吳不好黃金只
好書借問錢塘蘇小小風流還似大蘇無小娟
得詩默默倅索和援筆書云君住襄江妾住吳
無情人寄有情書當年若也來相訪還有於潛
絹也無倅大喜盡以所寄物與之免其償絹且
為脫籍

歸判院偕老焉

韓平原甲第罪逐後改為寺監齋舍生有題二絕
于壁曰掀天聲勢祗冰山廣厦空餘十萬間若
使早知明哲計肯將富貴博清閑花柳依然弄
曉風才郎袖手去無蹤不知郿塢金多少爭似

盧門席不重

兩詩皆用董卓郎塢事

初侂冑擅權日一時獻佞者皆稱師王叅知政事
錢象祖嘗諫用兵與有隙史彌遠因與合謀既
得罪相之旨遂私謀批殺之寧宗實不知也都
下語曰釋伽佛中間坐胡漢神立而傍文殊普
賢自闢象祖打殺獅王聞者絕倒

京鏗

字仲遠漢魏郡太守房之後晚得宋齊丘宅址古松百章自號松坡居士韓侂

冑欲傾趙汝愚乃引以自助

上元前一日立春京仲遠賦漢宮春詞曰暖律初
回。又燒燈市井。賣酒樓臺。誰將星移萬點。月滿
千街。輕車細馬。隘通衢。蹴起香埃。今歲好。土牛
作伴。挽留春色同來。不是天公省事。要一時
壯觀。特地安排。何妨綵樓鼓吹。綺席搏罍。良宵
勝景。語邦人。莫惜徘徊。休笑我痴頑。不去年年
爛醉金釵。

光堯之喪金遣使弔祭以京仲遠為報謝使金錫

燕汴亭仲遠與郊勞使康元弼言請免燕不許
請撤樂亦不許至期虜促入席傳呼不絕仲遠
趨退復位甲士露刃閉門仲遠排闥而出元弼
等以聞其至仲遠留館俟命賦詩曰昂湖龍馭
去無蹤三遣行人意則同。出禮強更為吉禮。夷
風終未變華風。設令耳與笙鏞末。只願身縻昂
鏤中。已辨滯留期得請。不辭築館汴江東。越七
日竟獲免樂之命。

歐陽修謚文忠京鏜亦謚文忠初謚文穆時有無
名子作詩曰一在廬陵一豫章文忠文穆兩相
望大家吹上梧桐樹自有傍人說短長

趙師昇

字從善院東牆趙千里姪也昇卽古
擇字觀其字曰從善蓋取擇其善者

而從之義也尹京時有
政聲戮抗州姦僧尤奇

趙師昇於儀真拂雲亭有詩云落得公餘半日閑
拂雲臺榭許躋攀眼前好景真如畫柳外人家
江外山又道中詩云儀真樽酒賞花時比著江

南已較遲。及至儀真。花盡謝。都梁纔見開。新枝
語意流麗。是為佳作。

慶元初。趙師異為臨安尹。嘗請盡以西湖為放生
池。作亭池上。求國子司業高炳如。文虎為記。高
故博洽疾時文。浮誕痛抑之。以此失士子心。會
記中有鳥獸魚鼈咸若。商曆以興。既已醵之石
本流傳殆不可掩。改商為夏。痕刻猶存。輕薄子
作詞以譴之。云高文虎稱伶俐。萬苦千辛作箇

放生亭記從頭無一句說着官家盡把太師歸
美這老子忒無廉耻不知潤筆能幾夏王却作
商王只怕伏生是你

韓平原南園中有所謂村莊者竹籬茅舍宛然田
家氣象平原嘗游其間甚喜曰撰得絕似但欠
鷄鳴犬吠耳旣出莊游他所忽聞莊中鷄犬聲
令人視之乃趙師罷所為也平原大笑益親愛
之其後侂冑敗有贈之譔詞曰堪笑明庭駕鷺

甘作村莊犬鷄。一日冰山失勢。湯爆鑊焚刀割。

又曰侍郎自號東牆曾學犬吠村莊。今日不須。

搖尾。且尋土洞深藏。周公謹辨此事乃太學生

佗宵南國有沉香山高五丈立之凌風閣下乃

枯枿耳賦詩云舊事妻涼尚可尋斷碑閑卧草

深深凌風閣下搓牙

掛當日人疑是水沉

史彌遠丞相浩之子

史浩與覺長老善。一日浩坐廳上。儼然見覺突入

堂中。使人往寺廡之。則報覺死矣。茶頃浩後院

弄璋浩默然知為覺也遂以覺為小名及長名
之曰彌遠後相兩朝二十六年權震海內時有
人作詩規之者曰前身元是覺閣黎業障紛華
總不迷到此更須睜隻眼好將慧力運金甌
開禧間韓侂胄以用兵起釁中外憂恚史彌遠定
計擁至玉津園側擊殺之命臨安府丞其首詣
金人求和建陽劉淮為之詩云寶蓮山下韓王
府鬱鬱沉沉深幾許主人飛頭去和虜綠戶雕

窓鎖風雨。九世卿家。一朝覆太師。宜諒魏公辱。
後車不悟有前車。兀突眼中觀此屋。高九萬詩。
云拂曉官家簿錄時。未曾吹徹玉參差。傷人不
忍聽鸚鵡。猶向金籠喚太師。

史彌遠比周楊后出入宮禁外議甚譁有人作詠
雲詞譏之云往來與月為儔舒卷和天也蔽及
廢濟王而殺之也甚冤劉克莊有詩譏之云楊
柳春風丞相府梧桐夜雨濟王家

史弼遠初反韓侂冑所為時頗稱治及濟王不得
其死論者紛起遂專任憐壬以居臺諫李知孝
梁成大等為之鷹犬搏擊善類士流無耻者多
以鑽刺進秩宮宴時有伶人執拳石以大鑽鑽
之久而不入嘆曰鑽之彌堅一伶遽扑其首曰
汝不去鑽彌遠却來鑽彌堅可知道鑽不入也
舉座弁栗翌日彌遠杖伶人而出之境又蜀間大宴有
優為衣冠者數輩皆稱為孔門弟子相與言吾
儕皆選人遂各言其姓曰吾為常從事吾為于

從政吾為吾將仕吾為路文學別有二人出曰
吾宰予也夫子曰於予與改可謂僇倖其一曰
吾顏回也夫子曰回也不改其入憤然曰吾為
四科之首而不改汝何為獨改宰予曰吾鑽述
改汝何不鑽回曰吾非不鑽而鑽堅
耳曰汝之不改宜也何不鑽稱速乎

史彌遠欲占育王寺地作墳衆僧俯首莫敢誰何
有一小僧曰我有一策阻之作偈云寺前一塊
地常有天子氣丞相要作墳不知主何意用是
題於通衢史意遂息

史彌遠死已久一夕其家聞叩門聲曰丞相歸舉

家駭匿比入門燈轎紛紛升堂卽席子婦皆出
羅拜訊慰平生歷歷囑家事索紙筆題詩云冥
路茫茫萬里雲妻孥無復舊為羣早知泡影須
臾事悔把恩讐抵死分

鄭清之

安晚先生

鄭清之在太學十五年殊困滯無聊及試青紫明
主恩詩押明字短晷逼暮思索良艱漫檢韻中
有頽字可押遂用為末句云他年蒙渥澤方玉

帶圍頰歸為同舍道之皆大笑曰綠衫尚未能
得着乃妄思繫玉乎已而中選攀附史彌遠官
至極品竟賜玉馬遂成吉讖

宋時臨安三學之橫盛於景定淳祐之間鄭清之
當國議行諸州各試之法以散遊學之士於是
相率而去作文告先聖曰斯文將喪嗚呼天乎
吏議逐客嗚呼人乎乘桴浮海嗚呼聖乎遯世
無悶嗚呼士乎敢告又作詩云寒翁何必恨失

馬城火可憐殃及與一笑出門天萬里。擔頭猶有斥姦書。又詩云鄭五不去國金陵深誤君。校存知必毀書在已如焚。自是清流禍非干北黨分。歸歟雖幸矣恨未效朱雲。大學古語云有髮臺言其清苦而顛亮也嘉定以後故飲酣沉黃白錯落雄門要路陽為矯激陰則附麗而徒以徒吻劇公雌黃固是去古語遠矣時有詔禁士疾不得言者涼傘多以早編為之有題一絕于朝天門自古然易青為草且從權中原多少黃羅綺何不多多出賞錢聞者啓焉後遂盡用黑油繳焉又車駕饗景靈宮太學武學宗學諸生俱在禮部前迎駕有作十七字詩

曰駕幸景靈宮諸生畫鞠射頭烏身上白米
蓋譏其幘頭欄服歲糜糜祿不得出身年年迎
駕也

王荊公詠北高峰塔云飛來峰上千尋塔聞說鷄
鳴見日升不畏浮雲遮望眼自緣身在最高層
鄭清之詠六和塔云經過塔下幾春秋每恨無
因到上頭今日始知高處險不知歸卧舊林丘
二詩皆自喻荊公作於未大用前安晚作於既
大用後然卒皆如其意

堯堂山外紀卷六十二

十一

馬光祖

號裕齋人謂光祖尹臨安猶之包孝肅尹開封云

淳祐間史嵩之入相以二親年耄慮有不測預為起復之計時馬光祖未卒哭起為淮東總領許堪未終喪制起為鎮江守臣里巷為十七字謠曰光祖做總領許堪為節制丞相要起復援例寶祐間馬裕齋尹臨安不畏貴戚豪強庭無留訟福王府訟民不入賃房錢民云房漏裕齋判云晴則鷄卵鴨卵雨則盆滿鉢滿福王若要房錢

直待光祖任滿

唐裴諤為河南尹有投牒悞書紙背諤判云這昨似那昨那昨

似這昨我也不辭與你判笑殺門前看就漢又婦人同投狀爭貓兒狀云若是兒貓兒訴大笑判貓兒若不是兒貓兒不識主偷家搗老鼠兩家不須爭其狀曰貓兒不識主偷家搗老鼠兩家不須爭將來與裴諤逐納其貓兒爭者亦止

馬裕齋尹臨安日有士子踰牆盜入室女事覺到

官裕齋試踰牆樓處子詩士人秉筆云花柳平

生債風流一段愁踰牆乘興下處子有心樓謝

砌應潛越韓香許暗偷有情生愛慾無語強嬌

羞不負素樓約。安知漢獄囚。玉顏麗如此。何用
讀書求。裕齋喜甚。卽判一減字木蘭花詞云。多
情多愛。還了平生花柳債。好箇檀郎。室女為妻
也合當。傑才高作。聊贈青蚨三百索。燭影搖紅。
記取冰人是馬公。遂令女歸生。且厚贈之。

方岳

字巨山。歙人。號秋崖。賈似道號秋壑時。
人有秋崖秋壑一般。秋之語初為趙丞

相慕客。趙父名方乃。改姓萬。既而又
為丘岳。端明屬於是。復改名為萬山。

方岳崖除夜小盡生日辭曰。今朝二十九。明日初

一怎欠箇秋崖生日。客中情緒。老天知道這月
不消三十。春盤繡翠。春缸搖碧。便泥做梅花
消息。雪邊試問是耶非。今夕不知何夕。

方秋崖客中遇新雪賦一剪梅詞曰誰剪輕瓊做
物華春遶天涯水遶天涯園林曉樹恁橫斜道
是梅花不是梅花 宿鷺聯拳倚斷檣昨夜寒
些今夜寒些孤舟簑笠釣烟沙待不思家怎不
思家

方秋崖以諫去國高九萬贈詩云忠言歷歷未曾
行盡載圖書出帝京餘子但知才可忌先生當
以去為榮門闌竹石關心文部曲溪山照眼明
長嘯歸餘莫惆悵浙江風定自潮平

謝方叔

字惠國淳祐末與
吳潛為左右丞相

謝方叔自寶祐免相歸江西寓第壬申正月公薨
居無他忽報雙鶴相繼而斃公喟然嘆曰鶴既
仙化余亦從此逝矣於是區處家事凡他人負

焚一切焚之沐浴朝衣焚香望闕遙拜次詣家
廟祝白招親友從容叙別遂大書偈曰罷相歸
來十七年燒香禮佛學神仙今朝雙鶴催歸去
一念無慙對越天瞑目靜坐須臾而逝

吳潛

字毅甫號履齋
嘉定丁丑狀元

吳履齋和吳夢窓

文英

賦梅調寄聲聲慢云換晴

撥暖載酒呼朋夷猶東園西園綠萼枝頭而三
初破輕寒平生自甘寂寞占冷收不為人妍林

逋去問影。疎香暗。誰賦其間空想。故山奇事。正
烟橫嶺曲。月浸溪灣。杏鰲挑訛。那時青子都圓。
惟曉夢窓知處。對翠禽依約。神仙休引角。怕征
人淚落塞邊。

吳履齋贈建寧妓唐玉賀新郎詞云。可意人如玉。
小簾櫳輕勻淡。竚道家粧束。長恨春歸無尋處。
全在波明黛綠。看冶葉倡條渾俗。比似江梅清
有韻。更臨風對月斜依竹。看不足。詠不足。曲

屏半掩春山簇。正輕寒夜永。花睡半欹殘燭。縹
渺九霞光裡。夢香在衣裳。賸馥。又只恐銅壺聲
促。試問送人歸去後。對一奩花影。垂金粟。腸易
斷情難續。

吳履齋為人豪雋。在相位。其兄弟多以附麗登庸。
賈似道與隙。遂為飛謠于上。曰大蜈公。小蜈公。
盡是人間業毒蟲。黃緣攀附百虫叢。若使飛天
能食龍。語聞謫循州。中毒死後。似道遭貶。時人

顯壁云去年秋今年秋湖上人家樂復憂西湖
依舊流 吳循州賈循州十五年間一轉頭人
生放下休

賈似道

字師憲台州人少落魄遊博會其姊有寵于理宗十數年起致相位時有

朱某者以劄干賈稱頓首萬拜因號朱萬拜

賈似道初入相有人作詩云收拾乾坤一擔擔上
肩容易下肩難勸君高著擎天手多少傍人冷
眼看

賈似道嘗作堂曰半閒。每治事畢則入堂中打坐。
有佞人上糖多令詞大稱其意其詞曰天上謫
星班青牛度關。幻出蓬萊新院宇。花外竹。竹邊
山。軒冕倘來閒。人生閒最難。笑真閒不到人間。
一半神仙先占取。留一半與公閒。

賈似道欲行富強之策。是時劉良貴為都曹尹天
府吳玘卿餉淮東。入為浙漕。遂交贊公田事。欲
先行之浙右。候有端緒則諸路倣行之。于是以

官品限田立回買以買之自民間騷然有為詩
云襄陽累載困孤城秦養湖山不出征不識咽
喉形勢地公田枉自害蒼生其後又立推排打
量之法白沒民產有人作詩云三分天下分
亡猶把山川寸寸量縱使一坵添一畝也人不
似舊封疆又有作沁園春詞云道過江南泥墻
粉壁右具在前述何縣何鄉里住何人地佃何
人田氣象蕭條生靈憔悴經界從來未必然唯

何甚為官為已不把人憐
思量幾許山川况
土地分張又百年西蜀巉巖雲迷鳥道兩淮清
野日驚狼烟宰相弄權姦人罔上誰念平戎未
息肩掌大地何須經理萬取千焉

御史陳伯大奏立士藉似道毅然行之凡應舉及
免舉人州縣給曆一道親書年貌世系及所肄
業于曆首執以赴舉過省叅對筆跡異同以防
偽監時人有詩譏之云戎馬掀天動地來襄陽

幾處哭聲哀。平章束手全無策。却把科場惱秀
才。又有詞云。士籍令行。條件分明。逐一排連。問
子孫何習。父兄何業。明經詞賦。右具如前。最是
中間娶妻某氏。試問于妻何與馬鄉保舉。那當
著押開口論錢祖宗立法于前。又何必更張萬
萬千。笑行開改會限田放糴。生民凋瘵膏血俱
賸。只有士心僅存一脉。今又艱難最可憐。誰作
俑陳堅伯大附勢專權。

賈似道令人販鹽百艘至臨安太學生有詩云昨夜江頭湧碧波滿船都載相公醪雖然要作調羹用未必調羹用許多賈聞之遂以士人付獄賈似道開閫日有桃符一聯云笑迎珠履三千客坐擁貔貅百萬兵人皆稱羨一客獨笑曰若是則客居主位矣何不曰坐擁貔貅兵百萬笑迎珠履客三千賈大喜厚贈之

他如威行塞北幾千里春滿淮南第

一州陽春青雨三千里明月香風十二樓皆門客所詣獻者

賈似道一日招馬廷鸞。夢鼎飲行令舉一物與人。還詩一聯。似道云。我有一局棋。付與棋師。棋師得之。予我一聯。詩自出。洞來無敵手。得饒人處。且饒人。廷鸞云。我有一竿竹。付與漁翁。漁翁得之。予我一聯。詩夜靜水寒魚不食。滿船空載月明歸。夢鼎云。我有一張犁。付與農夫。農夫得之。予我一聯。詩但存方寸地。留與子孫耕。似道不悅而罷。

賈似道偶退居湖山有一蜀僧檻樓徘徊其側賈
問之曰汝為何僧對曰某詩僧也賈適見湖中
有漁翁遂命賦之僧請韻賈以天字為韻僧應
口對曰籃裏無魚欠酒錢酒家門外繫漁船幾
回欲脫簑衣當又恐明朝是雨天賈喜厚贈之
廖瑩中賈似道門客也嘗撰福華編以紀鄂功八
月八日似道生辰瑩中獻木蘭花慢云請諸君
著眼來看我福華編記江上秋風鯨鯨漲雪鴈

徵迷烟一時幾多人物且我公隻手護山川爭
覩階符瑞象又扶紅日中天因懷下走奉橐
韋磨盾夜無眠知重開宇宙活人萬萬合壽千
千鬼驚太平世也要東還赴上是何年消得清
時鍾鼓不妨平地神僊又郭居安聲聲慢云捷
書連畫甘洒通宵新來喜沁堯眉許大擔當人
間物力須彌年年八月八日長記他三月三時
平生事想祇和天語不遣人知一片閒心鶴外

被乾坤繫足。虹玉腰圍。閭闔雲邊。西風萬籟吹。
齊歸舟更歸何處。是天教家在蘇堤。千歲比
周公多箇綠衣。且侑以儷語云。綠衣宰輔。古無
一品之曾。參袞服湖山。今有半閒之姬旦。時似
道母猶在養。所謂三月三者。蓋頌其庚申蘋草
坪之捷而歸州乃舫齋名也。賈大喜旣而語客
曰。此詞固佳。然失之大俳。安得有著綠衣周公
乎。

賈似道有異志有一術士能拆字賈以策畫地作
奇字與之拆術者曰公相之志不諧矣道立又
不可道可又立不成公默不語禮而遣之恐泄
其事使人害諸途

有富春子善風角鳥占賈秋壑招之一日叩以飲
食之事密寫緘封明日賈宴客湖舟至暮賈立
船頭歌月明星稀鳥鵲南飛之句廖瑩中言日
已晚可拆書觀之諸事不及唯有月明星稀鳥

鵲南飛八字衆皆驚賞

賈似道嘗齋雲水千人其數已足有一道士衣裾
襍褻至門求齋主者以數足不肯引入道士堅
求不去不得已于門側齋焉齋罷覆其鉢于案
而去衆將鉢力舉之不動啓于似道自往舉之
乃有詩二句云得好休時便好休收花結子在
綿州始知真僊降臨而不識也後死木綿菴此
其兆云

文及翁

字時學號本心綿州人文山通譜

文及翁登第後期集遊西湖一同年戲之曰西蜀
有此景否及翁卽席賦賀新郎云一勺西湖水
渡江來百年歌舞百年酣醉回首洛陽花世界
烟渺黍離之地更不復新亭墮淚簇樂紅粧搖
畫舫問中流擊楫何人是千古恨幾時洗余
生自負澄清志更有誰蟠溪未遇傅岩未起國
事如今誰倚伏衣帶一江而已便都道波神堪

恃借問孤山林處士。但掉頭笑指梅花蕊。天下事可知矣。

理宗朝嘗欲舉行推回畝田之令。有言而未行至。賈似道當國卒行之。文及翁作百字令詠雪以譏之。云沒巴沒鼻。煞時閒做出漫天漫地不問高低。併上下平白都教一例。鼓弄滕六招邀巽二。只恁施威勢。識他不破。至今道是祥瑞。最苦是鵝鴨池邊。三更半夜誤了吳元濟。東郭先生。

生都不管。挨上門兒穩睡。一夜東風三竿紅日。
萬事隨流水東皇。嘆道山河原是我的。

文本心典淮郡蕭條甚謝賈相啓有云人家如破
寺十室九空太守若頭陀兩粥一飯

葉李

字太白宋亡入元上書獻鈔
武世皇嘉納遂為至元鈔

賈似道當國時行公田關子兩法民間苦之葉李
時為太學生上書力詆似道怒嗾林德夫告葉
泥金飾齋扁不法令獄吏鞠之云只要你做一

箇麻糊葉卽口占一詩曰如今便一似麻糊也
是人間大丈夫筆裏無時那解有命中有處未
應無百千萬世傳名節二十三年非故居寄語
長安朱紫客盡心好上帝王書遂遭黥流嶺南
及放還似道謫漳州相遇諸途葉以詞贈云君
來路吾歸路來來去去何時住公田闕子竟何
如國事當時誰汝誤雷州戶崖州戶人生會有
相逢處客中頗恨乏蒸羊聊贈一篇長短句

堯山堂外紀卷六十三

晉陵蔣仲舒編

宋

江萬里

字子遠元人破襄陽時鑿池芝山後
圖扁其亭曰止水饒州破赴止水歿

馬遠嘗畫三教圖釋迦中坐老子儼立于傍孔子
乃作禮於前蓋內瑞故令作此以侮聖人也理
宗詔江子遠作贊子遠贊云釋氏趺坐老聃傍
睨惟吾夫子絕倒在地遂大稱之

文天祥

本名雲孫字天祥後以字貢于鄉理宗見其名曰此天之祥乃宋之瑞也

困字宋瑞

寶祐丙辰上元里人有叩箕仙場事者云文章天下無雙手到底由知是吉祥其年文山擢第一德祐初牒報元師渡江詔諸路勤王天祥乃發郡中豪傑并結溪洞山蠻應之或議其倡狂時士方為之歌曰出師自古尚張皇何況長江恣擾攘聞道義旗離漕口已驅北騎走池陽先將十

萬來迎敵最好諸軍自裹糧。說與無知饒舌者。
文魁元不是猖狂。

賈餘慶劉岳相繼降元。一日留遠亭夜集。北人然
火亭前聚諸公列坐。行酒賈有名風子滿口罵
坐毀宋朝人物無遺。以此獻佞。此惟臺臺笑劉
數奉以淫褻。諸酋專以為笑具。于舟中取一村
婦至亭中使薦劉寢。據劉交坐。諸酋又嗾婦抱
劉為戲。文山不勝悲憤。口占刺之。刺賈云甘心。

賈國罪滔天酒後猖狂詐作顛把酒逢迎西虜

笑從頭罵坐數時賢刺劉云落得稱呼浪子劉

樽前百媚佞旃裘當年鮑老不如此留遠亭前

犬也羞

時淮南閹帥夏竇歸附元授中書左丞凡四年或有人贈以詩云自古誰無死

惜公遲四年問公今日死何似四年前又有人吊其墓云享年八十三而不七十九嗚呼夏相

公萬代名不朽

祥興初張弘範襲執文天祥於五坡嶺以客禮見

之至厓山張命李恒家公書諭張世傑降公乃

書過零丁洋詩與之詩云辛苦遭逢起一經，干戈落落四周星。山河破碎風拋絮，身世飄搖雨打萍。惶恐灘頭說惶恐，零丁洋裏歎零丁。人生自古誰無死，留取丹心照汗青。李不能強持詩，達張張但稱好人好詩，竟不逼。

元丞相伯顏統兵入杭，謝全兩后以下皆赴北。有王婉儀者，題滿江紅於驛云：太液芙蓉，渾不似、舊時顏色。會記得、恩承雨露，玉樓金闕，名播蘭

簪妃后裏暈湘蓮臉。君王側忽一朝。輦鼓揭天
來。繁華歇。龍虎散。風雲滅。千古恨。憑誰說。對
山河。百二淚。霑襟血。驛館夜驚塵。土夢寶車曉
展關山月。只嫦娥相顧。肯從容。隨圓缺。王名清惠字冲
華後為女道士此辭傳播中原。文山讀至末句。歎曰。惜
也。夫人于此。少商量矣。因為代作一篇。云。試問
琵琶胡沙外。怎生風色最苦。是姚黃一朵移根
仙闕。王母恹闌。滿宴罷。仙人淚滿金盤側。聽行

宮半夜雨淋鈴聲聲歇。彩雲散香塵滅。銅駝
恨。那堪說。想男兒慷慨。嚼穿齧血。回首昭陽離
落日。傷心銅雀。迎新月。算妾身不願似天家金
甌缺。又和云燕子樓中。又捱過幾番秋色。相思
處。青年如夢。乘鸞仙闕。肌玉暗消。衣帶緩。淚珠
斜透。花鈿側。最無端。焦影上。牕紗青燈歇。曲
池合。高臺滅。人間事。何堪說。向南陽。阡上滿襟
清血。世態便如翻覆雨。妾身元是分明月。笑樂

昌一段好風流菱花缺

元至元庚辰五月文壁自惠州入覲右丞相帖木
兒不花曰此人是文天祥弟帝曰那箇是文天
祥博羅對曰卽文丞相上嗟嘆久之曰是好人
也次問壁右丞相奏是將惠州城子歸附底帝
曰是孝順我的當時有詩云江南見說好溪山
壁號文溪兄也難時弟也難可惜梅花各心事南枝
向煖北枝寒皇慶中丞相子陞仕爲集賢學士
奉使贛州通卒時有挽之者云地

下修文同父子人間讀史各君臣先是丞相子
道生佛生皆流離中成已治命以陞為後按陞
為壁之子則陞之
失其本心有自矣

陳文龍

興化人初在太學累試不入格一日

于學既而廷對第一前夢不復記矣及守
鄉郡又夢神通詩首言交代後著年月曰
至元心甚駭愕未幾倖至杭拘繫于太學
病將絕歎曰皇宋未亡之前鬼神已奉虜
正朔矣吾今病且久而遂囚太
學得無為太學士乎果卒

度宗龍飛榜陳文龍為廷魁胡躍龍為省元時范
文虎為殿帥孫虎臣為步帥有人對云龍飛策

士狀元龍省元龍虎帳得人殿帥虎步帥虎

景炎初興化軍降元陳文龍被執至合沙以詩寄
仲子訣別云斗壘孤危弱不支書生守志誓難
移。自經溝瀆昨吾事。臣死封疆是此時。須信壘
臣堪擊鼓。未聞烈士樹降旗。一門百指淪胥北。
唯有丹衷天地知。

陸秀夫

當時有先兆曰擎天者
文天祥捧日者陸秀夫

景炎三年夏四月衛王卽位海上陸秀夫為首相

時播越海濱庶事疎略每朝會秀夫獨儼然正
立如治朝雖流離中猶日書大學章句以勸講
及厓山兵潰秀夫先驅其妻子入海卽負帝同
溺或畫為圖者林景熙賦詩云紫宸黃閣共樓
船海氣昏昏日月偏平地已無行在所丹心猶
數中興年生歲魚腹不見水死抱龍鬚直上天
版蕩純臣有如此流芳千古更無前

謝枋得

字君直因東坡有溪上青
山三百疊之句遂以為號

德祐丙子元師入信州謝枋得乃變姓名入建寧
山至元中御史程文海等交薦累召不赴行省
叅政魏天祐復被旨集守令戍將迫蹙上道臨
行以詩別常所往來者曰雪中松柏愈青青扶
植綱常在此行天下豈無龔勝潔人間何獨伯
夷清義高便覺生堪捨禮重方知死甚輕南八
男兒終不屈皇天上帝眼分明蔡正孫和云山
色愁予渺渺青平生心事杜鵑行霜鬢雪虐天

終定歲晚江空水自清。肩上綢常千古重。眼前榮辱一毫輕。離明坤順文箕事。此是先生素講明。時士友詩盈几。張叔仁詩云打硬修行三十年。如今證驗作儒仙。人皆屈膝甘為下。公獨高聲罵向前。此去好憑三寸舌。再來不直一文錢。到頭畢竟全清節。留取芳名萬古傳。朽得會其意。甚稱之。至燕不食而死。

鄧剡

字光薦以字行別字中甫因號中齋

鄧光薦隨駕至厓山厓山潰光薦赴海虜舟拔出
之張元帥待以客禮與文天祥俱出嶺別於建
康後天祥坐燕獄中集杜云南宮吾故人才名
三十年江城秋日落此別意蒼然

鄧光薦宋已以義行著嘗賦鷓鴣詩曰行不得也
哥哥瘦妻弱子羸牖馱天長地闊多網羅南音
漸少北語多肉飛不起可奈何行不得也哥哥
鄧光薦又有贊文丞相像曰日煌煌兮踈星曉寒

氣英英兮晴雷殷山頭碎柱兮璧完血化碧兮
心丹嗚呼孰謂斯人不在世間

家鉉翁

則堂先生

元兵南下次高亭宋朝納降吳堅為左相家鉉翁
為叅政與賈餘慶劉岳為祈請使北行文天祥
詩云當代老儒居首揆殿前陪拜率公卿又云
程嬰存趙真公志賴有忠良壯此行前謂吳後
謂家也至北鉉翁抗節不屈拘留河間世祖崩

成宗卽位始賜衣服遣還鄉里年逾八十矣林
景熙有詩送之云瀕死孤臣雪滿顛冰瓊齧盡
偶生全衣冠萬里風塵老名節千年日月懸清
淚秋荒遼海鶴古魂春老蜀山鵲歸來親舊驚
相問禾黍離離夕照邊

信世昌

字雲父東平人
公子無忌之後

信雲父北方之儒也元兵南下為張弘範館客文
山被獲弘範命雲父款待之日侍談論頗有向

南之意贈文山詩云宗廟有靈賢相出黔黎無
患太皇明文山因教以詩法雲父恍有所得明
日袖出一絕云東風吹落花殘英猶戀枝莫怨
東風惡花有再開時言文山不忘宋而宋必中
興也一日謂文山曰高麗地方數千里昨喪其
半遂稱藩大元喜其不拒并侵疆歸之今傳自
如故大宋衣冠正統非高麗比北必不無禮於
社稷也文山領其意紀以詩曰東魯遺黎老子

孫南方心事北方身幾多江左腰金客便把君王作路人益是時宋臣多有反面事北者文山詩云遺老猶應愧蜂蟻故人父已化豺狼又云黑頭汝自誇江令冷齒人猶笑褚公皆有所指

謝翱

字皋羽福之長溪人徙浦城號晞髮子

宋亡文天祥被執謝皋羽悲不能禁嚴有子陵臺孤絕千尺時天涼風急挾酒登之設天祥主跪爵號慟取竹如意擊石作楚歌招之曰魂來兮

何極魂去兮江水黑。化為朱鳥兮其味為食。歌
竟竹石俱碎失聲大哭人莫能測明年沒葬子
陵臺南初翺以朋友道葬作許劒錄未就其友
人為作許劒亭於墓右

劉會孟

字辰翁號須溪廬陵人私
印古篆三代人物四字

劉須溪題蘇李泣別圖云事已矣泣何為蘇武節
李陵詩噫

劉須溪元宵雨辭云角動寒譙看雨中燈市寒意

蕭蕭星毬明。戢馬歌管雜鳴刁。泥沒膝。舞停腰。
燄蠟任風消。更可憐。紅啼桃臉綠頰楊橋。當
年樂事。朝朝曾錦鞍。呼妓。金屋藏嬌。圍香春醉
酒。坐月夜吹簫。今老去。倦歌謠。嫌殺杜家喬。漫
三杯擁爐覓句。斷送春宵。

張孟浩贈須溪詩云。首陽餓夫。甘一死。叩馬何曾
罪。辛巳淵明頭上漉酒巾。羲熙以後。為全人。蓋
宋亡之後。劉竟不出仕云。

鄭思肖

所南先生宋已不仕因改名寓思趙之意趙孟頫才名當世惡其以宗室

而受元聘
遂與之絕

鄭所南善墨蘭獨不畫土人問其故答曰土為蕃人奪去題詩其上云一國之香一國之殤懷彼懷王于楚有光

鄭所南每遇歲時伏臘輒野哭南向拜聞北語必掩耳亟走嘗題書塾云不知今日月但夢宋山川題鄭子封寓舍云此世但除君父外不曾別

受一人恩題寒菊云寧可枝頭抱香死何曾零落北風中

汪元量

字大有號水云從謝后北遷老宮人能詩者皆其指教或謂瀛國公善詩

亦水雲教之

度宗時汪水雲以善琴出入宮掖元兵入城賦詩云錢唐江上雨初乾風入端門陣陣酸萬馬亂嘶臨警蹕三宮洒淚濕鈴鑾童兒賸遣追徐福厲鬼終須滅賀蘭若說和親能活國嬋娟應是

嫁呼韓。頃之從三宮北去。畱滯燕京。時有王清
惠。張瓊英。皆故宮人。善詩相見。輒涕泣。元量嘗
和清惠詩云。愁到儂時酒自斟。挑燈看劍淚痕
深。黃金臺迥少知己。碧玉調高空好音。鶯。葉。秋。
聲。孤。館。夢。一。牕。寒。月。故。鄉。心。庭。前。昨。夜。梧。桐。雨。
勁氣瀟瀟入短襟。

元世祖聞汪元量善琴。召入侍鼓。一再行。駸駸有
漸離之志。而無便可乘也。遂哀懇乞為黃冠。世

皇許之瀕行與故宮人十八人釀酒城隅鼓琴
敘別不數聲哀音哽亂淚下如雨張瓊英送之
詩云客有黃金共璧懷如何不肯贖奴回今朝
且盡窄廬酒後夜相思無此杯

少帝之寓燕京也淒涼無賴時汪水雲以黃冠放
還少帝作詩送之云黃金臺上客底事又思家
歸問林和靖寒梅幾度花元量既還錢唐往來
彭蠡間風踪雲影倏無寧居人莫測其去畱之

蹟遂傳以為仙多畫像祀之

宋之初興也始於後周恭帝顯德七

年恭帝方八歲及其亡也終于少帝德祐二年少帝方六歲名顯而德顯二字竟與得國時符合

汪水雲題王導像云秦淮浪白蔣山青西望神州

草木腥江左夷吾甘半壁只緣無淚灑新亭

元量

有詩一帙皆叙宋亡事如云亂點傳籌殺六更風吹庭燎滅還明侍臣奏罷啼元表臣妾簽名謝道清餘詩大抵類是元馬易之題其帙後云三日錢唐海不波子嬰繫組納山河兵臨魯國猶絃誦客過商墟獨嘯歌鐵馬渡江功赫奕銅人辭漢淚汾沲知章喜得黃冠事野水閑雲一

策鈞

唐珏

字玉潜號雷門先生後獲黃袍引兒報德之夢生子珙為名儒

元世祖二十一年甲申桑哥為相與江南浮屠總攝楊輦真珈相表裏嗾僧嗣古妙高上言欲毀宋諸陵明年乙酉正月桑哥矯制可其奏於是發諸陵唐時年三十二歲聞之痛憤亟貨家具得白金百星許執券行貸得白金又百星許乃具酒醪市羊豕邀里中少年若干輩狎坐轟飲酒且酣唐慘然具以告願收瘞遺骸乃斲文木

為匱複黃絹為囊各署其表曰某陵某陵分委
而散遺之薊地以藏為文而告詰旦事訖來集
出白金羨餘酬戒勿泄越七日總浮屠下令裒
陵骨雜置牛馬枯骷中建白塔於杭故宫曰鎮
南以厭勝之杭民悲戚不忍仰視了不知陵骨
之猶存也唐葬骨後又於宋常朝殿掘冬青樹
植於所函土堆上作冬青行曰馬筆問饒形南
面欲起語野廬尚屯束何物敢盜取餘花拾飄

蕩白日哀后土六合忽怪事蛻龍掛茅宇老天
鑒區區千載護風雨

唐又有感雷震白塔詩云冬青花不堪折南風吹
涼積香雪搖搖華蓋萬年枝上有鳳巢下龍穴
羊兒年犬兒月霹靂一聲天地裂

其後至正十
九年偽周張

士誠遣平章張士信守杭壞白
塔梵城塔亡而元亦馴至於亡

唐復有夢中詩四首曰珠亡忽震蛟龍睡軒弊寧
忘犬馬情親拾寒瓊出幽草四川風雨鬼神驚

一坏自築珠丘土雙匣親傳竺國經只有春風
知此意年年杜宇哭冬青昭陵玉匣走天涯金
粟堆寒起暮鴉水到蘭亭轉嗚咽不知真帖落
誰家珠鳬玉鴈又成埃斑竹臨江首重圓猶憶
年時寒食節天家一騎奉香來

林本同事者羅有開鄭明德
傳之乃各立異不免傳疑

或以為林德陽
景熙事按唐與